

羊場分縣訪冊複製說明

羊場，即今即岱縣巖腳區。清乾隆十九年設置巡檢，先隸安順府，後改隸即岱廳。民國三年一度改為羊場分縣，駐縣丞於巖腳，二十五年省入即岱縣。

現複製的《羊場分縣訪冊》，係民國二十五年續修《安順府志》時訪稿中的一部分，為巖腳小學僑校長黃華清所採輯。採輯人以封建地主階級立場，對巖腳史料進行收集，並加以編述，僅能作反面材料看待。供領導同志及有關單位批判、參考。

羊場分縣訪冊

複製說明

複製時按原訪稿畧加整理，編為四卷。除刪去其中藝文部分兩篇「壽序」，改正個別明顯的錯別字外，餘均依照原稿。此項整理方式是否恰當，希讀者提出意見。

承安順縣圖書館借用藏本，併此致謝。

貴州省圖書館

一九六六年六月

羊場分縣訪冊目錄

卷一

地理志 山脈 水道 村寨 場市 災異

卷二

建置志 官署 學校 橋梁 義倉

卷三

人物志 名官 鄉賢 隱逸

卷四

藝文志 序 文 畧 詩

羊場分縣訪冊

目錄

羊場分縣訪冊卷一

地理志 山脈 水道 村寨 場市 災異

山脈

山脈起於水城陟菁過豬場黑壩此山一幹直伸約四十里
山兩旁均一大冲係上威甯大道左為木果右為岩上岩下
等地此山盡處即雙龍橋為南龍橋小河水源所出至此勢
忽分包圍安氏南籠橋祥老兩寨之山在內約十里許復至
狗場合如木之生節然又分支為二一支由黑坡寨直趨阿
岔岩脚東出金家洞約四十餘里一支由那洒經尖山南出
三場分縣訪冊

卷一 地理志

鍋廠約三十餘里

水道

大河發源威甯縣之香爐山山絕高險山之麓有二穴河源出焉東西分流西即毛口河東即老卜底大河也出威甯經水城屬至果尾大河繞白泥壘至此德東入即岱廳屬之納雍兩岸巒山壁立勢極險惡曲折流入平寨曰磨錯河山勢開朗寨在左岸有古渡一河右一山高大無比頂極平坦縱橫數十里土目安伯英之居在焉南有路通南籠橋北隔一河過苗渡口有徑緣岩而上曲折如羊腸有一夫當關之勢此洞由雙龍潭發源至趙家河山高聳頂作凹形即隨趙家

羊場分縣訪冊

卷一 地理志

二

豬場下由鷄場南趨南籠橋折而東環獐老寨一週至岩脚寨會大河繞數里東趨北岸岩若刀截遠視如長虹在天至阿岔寨西忽轉而北包一小山其形如魚故其地以灣河名之至山後東入老卜底大渡在焉又東則過獐瓦吉地等地渡南折入龍場曰神處渡向東南流勢忽西作一大灣與新橋河迎合仍向東出至豬場北繞松林坡則入普定屬矣小河發源西一區西南之尿管貢有龍潭三處每潭冒水外溢由地下合流出沒天地以兩岸尖峯壁立山勢甚夾上不見天下無平地故名流至周家田壩與木貢小河會折曲流至

灣河會那洒小河入羊場繞迴龍寺後稍北折東出岩脚街
西後面出田家壽星兩壘之間南至二道水與鍋廠流水之
小河會於二水橋南下趨新橋下與大河會

金家洞之河源滔滔波下過那堵經綠堰白馬兩潭下入岔
河與涼水井與白蠟壘二河會合流經大田寨下出金家洞
龍場街後之北與大河會

村寨

田家寨倚東西閭閻沿山麓自北而南作半環形前臨鱗
壤阡陌錯出後倚尖山為田氏祖塋地脈所在田氏宗祠居
中左右皆其族雜姓絕少居民約數十戶偏西南有石碣一
石工緻密堅固可守乃田某築以防搶匪者小寨在其南望
衝對宇鷄犬相聞

羊場後寨曰跑馬廠居民數十戶然皆星羅棋布人家三五
自成一村

其西七八里一村名杉樹林林木不下萬餘乃田氏祖某所

羊場分縣訪冊

卷一 地理志

四

植遙望蔥鬱滿山濃陰如畫近年其子孫爭相賤售幾濯濯
如牛山矣

其南四里許曰馬家壑舊為馬氏修以避亂者今居民皆架
屋其旁大約十餘戶其西曰西北亦田氏所居瓦屋鱗接漸
就繁盛

其北曰野馬洞昔亦成村今居民凋落令人有今昔之感

其北十里許曰羅家寨有居民數十戶其下為秦家寨又東
十里為蘇家寨皆以農為業村皆數十戶不等漸有兼謀生
理者

場市

岩脚場開自明末以辰日為集期初僅人家三五結茅岩麓
歷清中葉漸臻繁盛清末則鴉片四集商賈輻湊居民約八
百餘戶屋瓦鱗接閭閻愈於城市光緒末造於東北新闢一
街屋宇較老街整齊矣斯場四面皆山河西流街後有若船
形壽星山脈逆流西向西有火焰山遙與對峙如兩舟子然
此形家言也西行三里許有場曰羊場人家數十戶環場而
居以戌日為集期商務以牲畜為大宗地點為田氏所有今
牙戩地方稅已提歸公矣

羊場分縣訪冊

卷一 地理志

五

岩脚老街關於有明中葉遞前清乾嘉之際始漸繁盛相傳
舊街本在羊場距場三里許土司沙姓開創後為田氏所有
時岩脚尚為林藪名黑羊大箐□姓隨山刊木將闢為新場
田氏爭之有老張公者不知何許人起而抗之械鬪斃馬場
因以成里人葬之文昌宮山麓之北樹紫荆其旁今已干霄
蔭畝鄉人瘡疾末葉敷之立效其他時症有求必應至今香
火不絕

新街創自□年倡於前清附生田鍾嶽龔燦奎等見岩市人
稀地狹約集十股購田龍兩姓地闢為街道名為新街長約

數十丈寬二十丈今屋宇一新已造者十之八九規模濶大較老街猶盛刻已將米市移此以老街擁擠故耳

羊場分縣訪冊

卷一 地理志

六

災異

光緒三十一年乙巳七月大水各橋全圯
宣統二年庚戌二月風吹下牌坊倒

羊場分縣訪冊

卷一 地理志

七

羊場分縣訪冊卷二

建置志 官署 學校 橋梁 義倉

官署

羊場分縣署在岩脚街上有頭門三間上房三間花廳三間
大堂三間其房現存但已朽壞不堪

羊場分縣訪冊

卷二 建置志

學校

兩等學校在新街北濶五間進深十餘丈有屋三層舊名愛蓮書院係安順府知府周竹樓先生捐廉提倡飭前郎岱廳景公晴嵐督修兩邊均石磚為牆高山長主講於前張公瞻雲振鐸於後嗣府廳代却遂廢馳至宣統初元改為縣立第二兩等學校操場在校門外初乃王姓捐為武人操場繼為把總練兵所民國七年奉令與官產同售以校無操場經教員黃華清承商夏團總謨呈縣詳准財政廳長張永作該校操場已立碑紀之矣

橋梁

高橋在岩脚南距縣城九十里為分縣及縣城往來必經之道橋高四十餘丈寬三尺建於何時無考石材大者僅如拳小者如卵數百年未聞傾圮傳為仙人所修

義倉

岩脚倉在岩脚街上修於清光緒十三年現存穀一千零八
十石零九斗係各富戶捐積

龍場倉在龍場街上修於清光緒十三年現存穀二百零二
石四斗六升係地方團紳募捐

鼠場倉在鼠場關帝廟內清光緒十三年由地方團紳合力
創修就地募捐現存谷九百六十石

黑塘倉在黑塘創修於清光緒十一年現存穀五百零六石

八斗

羊場分縣訪冊卷三

人物志名宦 鄉賢 隱逸

名宦

張鴻逵 陝西西安人任羊場巡檢性博愛善岐黃術民無
責賤有求必應富翁田某以莫須有事首名上懇
公病危甚諸醫歷試無驗其子欲求援手於公恐
以嫌見拒因浼人先容公曰吾往倘以訟我私嫌
廢濟人公義非仁也至見病者瞠目直視家人環

泣妻子不相識循衣撲床已備後事矣公殞為診

卷三 人物志

一

羊場分縣訪冊

視出方令服曰羊叔子非鳩人者數服而差人以
是服公之度

夏炳榮

字藕村明讓里二道水人性慈善大亂平後人民死亡饑饉疾病頗多炳榮檢骨骼施義塚設粥廠施藥物以濟之又置鄉塾以謀教育儲義倉粟以防旱潦種種善行迄今鄉人稱之不絕口

田瑞玉

號輯五岩脚人有子四督課甚嚴學均有成舉貢生監衣冠戲綵播為美談瑞玉保泰持盈嚴戒驕侈刻薄恒因趨庭示訓曰吾以寒素起家積穀數百斛喫著外足長子孫願汝輩克守厥成懷多藏

羊場分縣訪冊

卷三 人物志

二

厚亡之戒積德遺子孫有以遺金為念者非我子也

龍伯皋

名廷襄岩脚人擅經濟才苗匪變岩鎮迭罹兵燹民皆避居岩砦中有壘曰鷄子巉岩絕壁險不可攀人皆憚于居守伯皋以斯壘為全岩保障不守則諸壘皆危每日暮必自裹餼糧為子弟先象感其誠皆願執戈以衛故苗匪迭犯諸壘均獲保全苗匪之變徭役繁興捐輸崛起執事者每格外苛求民不堪命伯皋不計利害陽認陰令民避每為

材官忌後以勞致疾卒於壘死之日岩人如喪考妣

王之蘭

岩脚人邑庠生精奇門知兵法遭亂世遇扼塞險要可以用兵之地輒繪圖以歸未幾苗變地方多罹兵燹之蘭以兵法部勒鄉民繪地圖條陳廳主岩鎮多資捍衛焉

劉洪勳

老鷹窩人性忠實好義至九十餘不衰二子性行亦如之孫皆服賈歸輒以身示教信義兩字不離口出必荷鋤腰鎌剪碍道荆榛除當途瓦石陵者

羊場分縣訪冊

卷三 人物志

三

夷之谷者實之且躬親負石以築之必堅完坦蕩而後已近村無主古墓知名者記以石不知名者封以土遇節悉為拜婦人欽其行遠近咸稱之

陳碧山

明讓里菜子冲人以公正聞鄉里耕讀為業子孫宗族鄉黨聯為小團體有固結莫解之勢遵行保甲法獎其良如舉千宵之鴻除其莠如去害羣之馬以故鄉里新橋一帶無鼠竊狗偷風俗為之一變又為家訓垂誡子孫令家族家抄一紙沾沾以和睦族鄰去莠植良為鄉居要則子孫守其訓鄉

黨重其德迄今猶存仁里遺風云

田毓珩

岩脚人慷慨好義咸同間苗民逆命人思遠徙里人有傅文斌者願募勇平苗苦無軍餉毓珩慨肩籌餉之任開倉憑飛資給取求毫不瑕疵未幾苗平共給糧米千餘石岩民獲慶安堵毓珩之力也苗平後廳主陳公玉書以聞傅獲獎襲雲騎尉三憲賜額曰臨事克謀毓珩不與焉所親金某謂之曰余將代雪不平上愬層臺訟傅以冒功之罪公曰弟功不祥許訟不恕敗人已成功名不義舉也

羊場分縣訪冊

卷三 人物志

四

以不義終之仁者不為也功原傅有何我力焉乃舉軍飛盡焚之傳聞而詣公且告之悔贈以額曰全仗先生公處之泰然君子於是乎謂之讓德

田永和

號熙春明讓里龍溪村人富不驕各值世變避亂於尖山壘久之人思他徙曰軍需靡措永和舉彈藥以贍之曰糧餉無出永和舉倉囤以濟之家人有難色永和曰富藏一而保千家人散則我不獨存富於何有合羣實自固也思徙者聞而感泣皆效死勿去

安慶瀾

安氏為濟火後裔黔中諸大姓莫方其感後有名

慶瀾者邑廩生嫻武事咸同苗變納雍土匪乘勢
煽亂蔓延浙廣所居崇正里距岩脚半日程實當
衝要乃自備軍餉率團練要擊之不足貸助夏龍
陳三姓合謀力勦乃抵於平岩脚之不遺匪禍慶
瀾之力有足多者

汪滙川

明讓里阿岔枝人身偉性慧奮力過人值世亂以
武生率鄉勇隨畢公社堂勦平苗亂以功加五品
藍翎鹽提舉常因某甲以非理膺其怒汪奮老拳

羊場分縣訪冊

卷三 人物志

五

擊之某乙挾舊隙乘機尋甲聞以索債為名汪詢
悉其詐怒曰若翁不汝敵聞我勝詐亦代若償汝
債皆裂髮指拳擊乙頰鏗然有聲乙不敢動嗒然
而返

楊智璞

邑人家世孝友謹讓桑梓必恭三代百餘年未嘗
以訟事有隻字入官署仲子奉先偶被人訟之驛
丞弓兵持簽至其門楊拒不令入曰累代家規不
忍及身破壞給兵去呼仲子罵曰不才子破我家
規明日送汝質公庭令甲自有公道直則已曲則

家法不爾宥也

陳錦心

字心田卽岱附生中年業商設闈闈於市交易一以忠厚不欺童婦有子三長伯榮經商次鳳書卜五亦卽岱秀才三亦經商次子鳳書攻舉業於安順郭春帆先生門下歸將之首肄業貴山書院公止之曰今年祖母八十壽我奉之若經商為兄弟掣綱領勿違我訓卜五遵行十年所謀皆遂以資雄鄉里心田移榻母側不入內室一切食飲衣被皆老夫婦檢點前後遺皆躬承滌器或抱母兩腿以遺之行輒濯洗乾之如日伏者十一年母梁卒年九十一公以二兄秉老且貧不令分認喪葬費葬後廬墓三年其子孫請歸以防野獸不測公曰我以此為家設飽戰腹不悔為親友挽勸仍朝往暮歸其孝行若此又兄秉老年累重貧不支公乃以己分受祖業移作伯兄秉養贍終養助葬具乃許兄輩收回其三子如命辦理其友之篤如此

隱逸

傅相高

字堯階邵岱人和堂公次子讀書穎悟入本廳文庫志甘淡泊不事科舉精數學好玄經參禪趺坐數十年不厭衣冠道裝外緣早絕不履塵世惟親友之讀書明理者至則危坐促談終日無倦容性孝友兄弟五親愛不以分居間事乃父和堂公至八十餘歲孺慕不衰雖田連阡陌對佃農如家人父子內不刻而外不驕力掃田舍翁積習亦難能可貴者中年有子七人均教以忠義雖分道通籍軍政均能仰體宸訓上不背公下不擾民均佳子弟也榆年悟道淵亭每心動招指預知禍福趨避不爽近依河洛注易四書於朱註多所駁正理論獨真易經簡明精易已刊行惟四書莊子脫稿未梓今年七十有三硯居避亂距家八里往返安步勝具人稱為陸地神仙云

老張公

不知何許人逸其名人以老張公名之聞至正時岩脚半為松林數近村皆樵苗雜處公能化去種族之見為合羣之公於是集家成鄰集鄰成里集

羊場分縣訪冊

卷三 人物志

七

里成村集村成市若預知岩脚將為郎岱繫威之
區者未幾事成而公卒葬于里門文昌宮之山麓
里人為之築佳城樹荆以表其墓歲時祭之

羊場分縣訪冊卷四

藝文志序記畧詩

序

巖泉序

黃華清

岩脚在萬山之中形狀而長河水西入南折而東岩人千餘戶大都沿街背河而居飲料胥賴於河然穢物中滌糞水外注於衛生礙甚每欲求一井以資養蓋亦難矣河東壽星山有泉自山腰迸出汨汨下注於河好奇者沿岩而上得其源掬試之甘且冽醴泉若也先輩釀金鑿之將築井未及半限

羊場分縣訪冊

卷四 藝文志

一

於資事遂不果民國癸亥秋張君蓋臣移節岩脚日偕彭君公武劉君瀚初遊目山水間指岩泉告以故張慨然曰愚公山可移矧泉耶於是各捐巨金架木為臺工作其上礮其岩而坎之牝其漕而溝之汙瓦其上以潔之泉流丈許忽陰入石隙約數武甫出於是就其處鑿岩而井焉西穿井二以木闌司啟閉俾便汲者因泉出岩遂名之彭公擬為亭於上予頷曰洗心明不僅蔽塵埃玩風月河魚之樂而已蓋岩人飲于河不潔已甚幾有象人皆濁之歎今得斯泉以飲之既可滌其舊日之污復可洗其新民之德而良宵煮茗清沁詩

脾猶淺之乎測岩泉也工既竣將為碑以紀之適余承乏邑
宰及門龍炳南以序屬爰綴數言以誌并養之功無窮也是
為序

按巖泉在巖脚壽星山岩下

記

恤隱堂記

張鴻遠

始余捧檄來此官舍半就傾圮而東偏屋數椽為治事之所
鷄夫鴨澆積中厚數寸亟令漑出塞其破缺支之覆之蔽風
雨而已越八年屋前舊植竹樹亦既爬刷拱而起者至是寢
茂密可觀而向之支者覆者漸朽敗不可恃重加補綴較昔
稍完工既竣顧其堂曰恤隱嗚呼巡檢古遊繳也佐守令司
警捕雖卑官薄祿然厥職綦重自世以冗賤視之而居是職
者亦率以自固故責易塞然有大不易者在夫一郡一邑之

羊場分縣訪冊

卷四 藝文志

三

民多數萬家少亦千數百家其間隱痛疾苦顛號而待上之
恤之者不知凡幾顧上之人特限於見聞則責在厥佐佐之
在治所者陷於不知則在外之佐不得辭其責巡檢佐之在
外者也日得與民相親近知民隱為最悉特慮夫知之不言
言之不盡出於正與夫不得其道者耳得其人而言之或又
不能盡行則亦斯民之厄哉雖然士君子側身僚佐宜遠大
是期毋眩於位之高下不以祿之豐嗇為懷毋緘默毋詭隨
毋激烈苟於物有濟則盡吾之心竭吾之力無忝厥職斯焉
可矣自我觀之蓋宰輔迄於曹掾名位雖輕重有別然其揆

則一余自受篆以來惴惴焉常懼吾民之隱知之未周懼不能悉言於上而出於正抑正言之懼或不能盡如吾言以恤之也於斯堂之成因書以自儆且待後之賢者治事於茲毋囿於位而蹈余所懼

按恤隱堂在岩脚羊場巡檢官舍之東偏

劉金蘭夫子碑陰記

黃華清

昔徐泗溪先生以醫名於盛清自候脈息將歸大化乃自為佳城題一聯曰半山靈草仙人藥一徑松風處士墳具見推行仁術之心死而未已以視宋桓司馬魯君之自營生壙徒

羊場分縣訪冊

卷四 藝文志

四

壯鬱鬱之觀者相去不可以道里計吾師金蘭夫子之推行仁術也埒於徐方束髮受書恒以國手自負嗣秋闈屢躓僅分香貢樹慨然曰吾人既不克為良相以行道濟時亦當為良醫以行道濟世於是本孔孟精深窺軒岐蘊奧日與仲景盧扁為緣寢饋於內難各經及傷寒金匱者歷有年所有求必應多所全活雖三折肱之上工不是過也不特此矣先生以醫道適於教育隨程度之高下為施教之淺深以是先生不啻因病而藥期患者必明弱者必強而後止華清亦先生藥籠中物也棄儒就醫惟步趨長凜淵源有自遙溯心儀久

欲一瞻道範藉領元機乃今年仲秋世兄壘雅函至謂先生
今八十有餘將為營壽藏於某山之陽待百歲歸于其居以
記相屬清不敏不能文迫於義又不敢辭僅就先生救世救
人之足徵仁壽者誌數言勒之貞珉以誌不朽

羊場分縣訪冊

卷四 藝文志

五

羊場巡檢張公龍門事畧

黃華清

公諱鴻遠字龍門陝西西安人隨仲兄楷筮仕黔中入貲例捐未入流會楷奉飭改三書院詩發刊以爭執可否忤貴州巡撫黎公培敬辭之川主講涪州書院公留黔遂家焉公初受知於曾方伯紀鳳薦赴畢節貴西道李公用清甫稟到正坐堂皇即屬公旁記錄某邑控糧案供詞中首縻族委查威甯礦廠歸報有日抵七星關忽墮馬折一足病假年餘手不釋卷故以詩書醫畫名家居無何委署貴筑典史年餘旋以

羊場分縣訪冊

卷四 藝文志

六

勞績特授羊場巡檢公素以剛方正直聞莊任之初刁紳劣監徇於習慣多方嘗試遇事專擅公擇尤懲創其焰稍我句例率規銀三兩茶政倍之恃苞苴以淆黑白公概予豁免抑強扶弱獎絕風清久之官民相安訟庭草長日以吟咏自適惟惡惡過嚴尤以靖萑苻為己任如方玉龍周二皆著名巨匪先後詳辦其黨遠颺不特此也凡大訟之有關地方安危及風化者輒以上聞罔弗化大為小化有為無略紀數端以著片毛於威鳳云爾崇正里猗樵寨有土目安佐清因其弟治堂以他事明侮水城廳所設鷄場稅卡某司事因之有郤

司事捏成叛狀報廳上之大府釀成三屬會勦巨案其時人心皇皇朝不保夕卽岱慶丞恩會營統兵至岩脚以安勢大顏形畏縮問計於公公曰安氏跋扈容有之然實無叛逆狀陳丞景範偏聽罔上圖快一時私憤一經會勦激則生變設因數反噬岩脚必首受其禍吾民何辜受此慘毒今安從兄翊清在此公宜優以禮貌勿嚴激佯作協勦之形陰行安撫之術彭君鴻章以方正聞於岩洗往曉以利害令勿妄動則族矣彼安氏念切身家必不肯以百口作孤注某與公繼至安宅相機對付勿入彼彀中否則變生不測陳丞反事外

羊場分縣訪冊

卷四 藝文志

七

挑剔則公危矣慶如其策至安所則闕其無人惟頭人安排招待而已陳丞覘此面無人色強顏謂慶曰聞安住宅極南一洞乃安氏藏甲所曷往觀乎至則岩如刀截下臨南龍河由下洞梯岩而上抵上洞外狹中濶可容人數百內洞深遠必由外洞轉過陽橋下有陰河深不可測漸入漸敞除收穫乾肉數挺外一無所得怏怏而返公謂陳丞曰茲事重大公何不查遽以司事以一紙報告以莫須有三字釀成此大獄為該司事洩憤則得矣其如民命何官逼民變責有攸歸遂懇慶交安從兄翊清聽其說明詳辨拂袖而返陳携安抵署

多方刑訊不得要領慶上其事陳丞調而棄遂寢人謂公以
口舌勝十萬師保全身命以萬計誠哉是言也甲午夏岩脚
鹽商同春合兼設綢緞肆被盜一空公於受理時廉得贓物
寄某煤窰平丁往捕獲盜一訊詢連及龍龍固岩望族也逮
龍至堅不承公乃延其親族旁聽佯答盜責以妄誣善良盜
供一囊在龍可證公詢囊狀詭以更衣囑旁聽者小住即由
署後出道假米販囊十餘具至龍宅謂其家人曰龍已承盜
囊在屋囊入龍即出矣餘物無所問否解廳殆矣龍妻悅出
其囊公返署對旁聽者擲囊盜前曰此物盡人有馬足證本

三場分縣訪冊

卷四 藝文志

八

署有囊若許試認之誤則不汝宥盜手搗目注出一囊曰此
貯贓質彼者視之果盜囊也公謂所親告以故且曰我為之
求生不得實承尚可原否將有悔龍願如盜供物折賠遂得
釋所供盜首周大二者業山積久弋未獲公乃會同洪哨弁
兩農率兵往緝瀕行洪問所向公曰惟余馬首是瞻至後憂
抵周宅公曰是矣圍而緝之如縛嬰兒解請正法會慶承代
卸盜賄其門子巫某釋之嗚呼武夫力而拘諸原小人利而
縱諸野厥後頻釀巨案為害閭里是誰之過歟本場武生龍
某巨富也與草地坡傳某械鬪傳逸問計於甲首方某方授

討去遂以謀殺訟公以案關命件合勘以聞至視草被蹂躪
丈餘遺斧一柄血殷狼藉時鄉民觀者如堵方亦在焉公謂
方曰謀殺此地乎方曰然斧凶器乎曰然曰汝知之甚善隨
我三首有屬於汝方至公曰草乃人為血非人血吾飭吏舐
之不鹹且斧柄無一面污血理此明為詐欺取財汝知傅匿
所限汝一日交來否則傅速隴李代桃僵為汝不值方恐飭
家人尋傅至薄責完素龍氏因之保全滿人文仲瀛來守安
順知公清廉年截岩脚稅款百金公以無功辭助資過班又
以非分謝文公愈器之調升四十八溪主簿繼署冊亨州同

羊場分縣訪冊

卷四 藝文志

九

接權曹家溪鎮甯權務以天災流行收數大減如入賈山抱
空而還宣統末歷署按照磨經歷亦清風兩袖豈天故塞其
遇以成其清廉之名歟額其齋曰知足有由然矣公尤知內
行其仲兄楷主講涪院十五稔以齒病誤服寒涼藥雙目幾
瞑公迎至署待遇禮極隆晉岱謁長官庖人供御偶疎楷不
豫公歸得其情跽而請曰兄友愛如司馬伯康弟噓嗅問寒
適其饑飽愧君實多矣家人不恭罪在弟御下不嚴復為兄
弟如初就養年餘兄將回秦展墓行有日矣公奉六百餘金
前曰第三任十八載於茲節縮薄俸所餘僅此非取於民者

兄憫弟累重酌留少數否則暮年手足今無全策取作菟裘之營亦可稽以景迫桑榆免呼將伯于異日全取以去其子從子弟婚嫁衣食皆公是賴公政美不勝書畧紀數端以概其餘今據父老輿論謂自有巡檢以來張公廉能才品為百餘年所僅見云

附記

張鴻逵前後任羊場巡檢十八年卸職後士民為之立勤政愛民德政碑於東道迄今猶稱道不衰云

羊場巡檢署三間四進左有官廳三間右配二間為張公

羊場分縣訪冊

卷四 藝文志

十

課子讀書處名曰恤隱堂作有記

龔右文事畧

黃華清

龔君燦奎號右文即岱附生與兄壽山分居後雖產物畸輕重以叔兄順親故不許家人爭執性直而廉介不妄取與篤於友誼往來數十年久故不稍衰師事巡檢張公龍門肄習岐黃醫道大進酬謝者數十百計兼理商業不十年家以萬計建華宇於新街待親友以誠始終不渝後以次子午仲與伯兄午珩有隙私逃之順公尾至仲誓不歸不獲已行醫順鄉風行數載遂迎春家焉未幾少女適龍姓者病篤遣价走

迎以無佞故公夫人急甚促公坐蓬輪以往時九月且盡寒風凜冽過三望壩風姨肆虐遂中風不語至三塊田逆旅主人不許入遂歿于龔姓窗下嗚呼以公之為人忠直行術近人如此收科令人歎報施之難測也

龍伯泉事畧

黃華清

公姓龍氏名廷襄伯泉其字也本岩脚舊族幼警敏好學舞勺即露頭角成童補郎岱博士弟子員以長厚名鄉里而精明寓焉故人無老少親無內外事無大小必取決於公而後行公亦謙讓不自多其能雖操月旦持公道一以情感理論

羊場分縣訪冊

卷四 藝文志

十一

卒使就質者無曲直胥泯怨尤誠也咸同苗變人民塗居武則游擊羅公孝達鄂協憲文則安順府畢公社堂郎岱廳陳公毓書周公慶先後駐兵防勦飭辦捐輸急公與夏公藕村田公錫蘭及次山疲於奔命事濟而民不擾人以四大天王稱之有王滿名開雲老卜底無賴子也在滇從戎有功以都司歸里有衆數十適官兵勦匪無功匪焰大熾衆願籌餉屬軍事於王以衛桑梓王率所部出紮阿公對面之龍場坡迭與賊交鋒於坡脚之落底河戰皆捷遂名坡曰得勝營河曰猛虎營岩民正倚為長城咸豐辛酉鄂協憲與陳太守希白

為匪敗於化董迫奔至羊場王力拒得免由是驕甚侮鄂協
毆縉紳孝廉梁希賢被辱尤甚積成眾怒遂有陳連科之請
連科乃吉地狝夷饒技勇有晚香兄弟數十賊莫敢近其村
聞王恃功專橫岩民稍有錢穀者縱兵搜索勢不可嚮慨然
具領花紅率眾至岩脚書院鳴炮聚眾由龍家巷出戰王王
時寓陳春星店聞炮聲潛由寓後渡河至田家寨其部下湯
興科時在龍公鏡軒宅曝殺聞變竄他宅意探王踪跡陳出
巷見之誤以為王也尾入湯伏門後俟陳入猛砍之斃陳眾
擁入亦誤為滿紛砍之熱視之連科也均大哭旋聞王逸於

羊場分縣訪冊

卷四 藝文志

十三

田宅羣趨至武生田豐年迎謂王來我誑彼解刀入空倉反
局下鑰矣象啟倉縛歸欲殺祭連科公曰已稟鄂協解兵且
至解送至夏家壑及山麓而鄂協至遙見王雄據鞍上兵從
如雲疑之返奔回岱陳眾即其地與湯興科並殺之而陳母
之事發生連科母至公宅哭且誓曰還我活連科否則伯奉
子我公允邀三圍為連科挂孝並請廳主臨奠且以己名譽
貸金二百置產恤其家事乃已於長外匪牽於內証之故擄
掠時至民一夕數驚各壑刁斗聲相接岩壑北面三壑峙若
筆架曰吳家大壑曰狀元壑曰鷄子壑均形勝地也此外東

北有雙胞壘正北有壽星壘西南有田家壘尖山壘等四面
犄角相依如唇齒孟子所謂天時不如地利者此也公獨曰
地利不如人和首以得象為本凡事身先士卒夜半自裹餼
糧率遊隊四十名巡查各壘隊請於公曰夜深天黑舉步維
艱守本壘足矣鶴壘高且險下不易蓋舍諸公曰斯壘俯瞰
各壘以予賊各壘休矣衛人自衛全人自全何畛域為象咸
服其量岩脚分四圍裏與二田鄉居距較遠有事度利害為
進止惟公圍獨當衝要避無可避每官兵有所需公勉為其
難設法以應否或辱或拘公亦安之若素曰臨難苟勉君子

羊場分縣訪冊

卷四 藝文志

十三

耻之危一身以衛粉鄉義也誰諉誰怨以是岩脚壘不失市
場不燬公力為多居無何瘟疫大起匪病歿者相枕籍然相
持如前公之防衛不稍疎象問其故公曰兵法出其不意攻
其不備彼以此臨我倉皇何以應之事防未然以免後悔匪
知無所得遂引去此公智除暴亂忠以保鄉之大畧也一日
公跣足有所親自外至謂公曰昨夜夢公於某社公所大啟
屋宇似待公移住者公伸舌曰吁吾將逝矣因驚仆中風而
卒公身材短小美鬚髯形類社公人以正直為神往代不謬
不然棄養之時家人皆隱聞仙樂聲抑又何也公逝之日百

里外知與不知皆出涕曰吾鄉保障折岩脚不守矣公歿于
同治戊辰夏六月至庚午三月六日岩人有事金家洞比德
苗匪乘隙至其首行抵把把街患河魚不可騎飭前隊先襲
大壘夜四鼓苗衆齊登不下均騎墻擲石鬨聲作勢衆驚起
時僅文弱書生十餘不知所為有人呼上房以瓦對擲移時
忽退回至羊場而值首深究前隊胡不下隊長曰甫上墻欲
下羣於夜色朦朧中見大人二面赤黑赤者執關刀黑者鞭
力障全壘擲之不為動故驚回非怯也因反奔人以為闖聖
黑神云嗚呼公以一身生死係岩脚安危邑人懷之至今有

羊場分縣訪冊

卷四 藝文志

十四

由然矣今其哲嗣肇愷享其遺澤坐擁巨富苟無改父道明
德遠矣奈人心風俗不古若求如公者已落落罕覯矣

夏公藕村事畧

黃華清

公氏夏諱炳燦字藕村邦彥公之次子邦彥公性仁厚凡慈
善知無不為且以勤儉持家和平處世燕翼之貽充閭嗣所
自來也公生而穎異弱冠嶄然即露頭角讀書識大體不尋
章句凡經世文及孫吳兵法瀏覽一過多所會晤年十六入
邑庠方銳意進取先後丁內外艱事繼母至孝服闋而世亂
已亟公奉廳令籌辦團防以兵法部勒之會土目婦沙安氏

感於白蓮教匪發難狗場岱水之交風鶴告警公率所部會
土目安慶瀾前後兜擊之不彌月而平花魚洞匪跨屁股集
象應之勢甚熾公一面上書廳丞喻方益敷陳時弊多所切
諫喻惡其觸己不報時苗匪乘機竄擾鄰境驛驛遂成燎原
之勢公聯鄰團移坐自固合表守望遙為倚自出奇制勝惟
公是賴公日用增號法以亂其耳夜用增燈法以炫其目或
令圍丁易衣出入以為疑兵或故陳老弱以為誘計虛實奇
正算無遺策六壬之占吉凶不爽苗匪雖平而苗援蟻集如
故公慮象寡之不敵也於是飛呈安順城守羅公孝連郡守

羊場分縣訪冊

卷四 藝文志

十五

畢公社堂移岩駐勦軍行進止鉤源籌劃事無巨細必諮公
而後行眷避空距岩十餘里聞召輒至夙夜奔馳數數往還
岩民皆結隊送迎爭先恐後非公樾蔭桑梓一視同仁岩民
何愛戴如斯耶苗經掃蕩勢稍殺而全家洞之亂又起洞為
龍場金氏避亂地聚族而居歷有年所會公侄某與金亮有
卻疑左袒公一以和平玉解之適居間者為公戚金族覬覦
逆產雙方解函播弄之事遂裂公一笑置之亮乃陰蓄亡命
偵公出輒劫於道欲得甘心焉乃天祐其表所遇皆化險為
夷不獲已訴之喻丞蒞岩處分誘亮拘文昌宮亮詒喻丞曰

偕至洞必有以報至則亮策馬先入閉門不納且以槍擬之
曰不速返將謝以彈喻丞快快返岩晤公西席徐翰卿誦說
公為門下士公引嫌不可喻悻悻返岱至鍋廠為亮家所襲
奪守城大礮數尊以去自是亮愈肆且以遷怒公者移之岩
民行李往來被戕之粟不可以俸指計上游營務處畢守社
堂廉其逆檄公駐勒嚴令致期公營以洞頂以貫斗室人絀
洞下擲火器焚之屢為救滅亮懼飭所親星夜乞援下河苗
且至公不知也公以繼母喜食鳩弋以奉之至紀道值援匪
反奔以報公北出而匪眾南入矣是役也公以得鳩離險亮
芝場分縣訪冊

卷四 藝文志

十六

以得援致殃黃楊兩將勦威宣苗破之危至岩聞入洞駐勦
年餘殲旃在金為惡盈在公為孝感其信然歟洞匪平而大
訟起先是公有丈夫子二長民瞻次慶瞻延請邑廩生徐翰
卿教讀賓主甚相歡徐以公拒拜喻丞門之諫漸且忿露夜
携子潛歸行至播比夜宿草蘆中遇匪害公飭紀四出尋之
不得旋反函報凶耗公上之廳並緝解凶犯請律治喻以諫
書觸己置之而劣舉焦澤春之禍來矣焦本徐甥以品卑污
為徐不直焦謀北上窘於資緣徐死披大欲假貸於公時公
困於公輸力不辦以數十金贖之焦不滿欲忿之安順守馮

小陶為渠房師以謀師串訟將鼎俎公也適公姪雲峯表弟許海廷假壽馮探公訟事值焦承攬詢示馮置二人獄將囚公至大施羅織公計往將入阱躬訴省法曹冀得直馮函責陽某尹鍛鍊成獄公伸辯至再不之聽值却安平縣令汪調省委之會審汪固與馮壽筵聞安平邑紳袁幹臣談畧稔公冤大事平反貴陽尹不可畧示憲旨汪曰吾不忍輕人命以媚長官爭且聞公見尹有入罪意大呼徐字令為屬索相害者命聲未已樹屋集烏鴉百餘噪撲瓦飛擲公座尹曰徐報公汪曰徐警尹雙方謁某廉訪各執一是廉訪偵得實欲立

羊場分縣訪冊

卷四 藝文志

十七

釋公尹持之急以遞籍得請公至岱喻尼不釋令監候公在獄凡諸囚衣食之給冀除茗沐之便及一切衛生事宜胥公財力為之所製巨石缸今尚存也居無何新丞景晴嵐至聞公尚繫宣憲旨釋之出延僧為徐營齋時焦尚在署欲大施運動公見握其手戲曰若舅之嗣無承重者若以甥子之焦報顏一跪三叩而逸此公之不負死友靈然仁厚之意見一斑矣解訟歸產業僅存什一然公一以教育子弟為急將假百金以為年脩聘本邑名孝廉張公瑞卿為師何宜人以貧窶為慮以薄脩延次者待當產稍贖再議張聘公曰否否汝

誤矣汝以田宅為吾家產業抑知田宅為有形之屋子弟為無形之產有形者易盡無形者無窮吾將屬意無形勿多言竟聘張公為西席尊奉若神明情文交至十二年如一日師有缺不言而私致其家有所禮公並具臨期邀宴而已以故嗣子民瞻慶瞻先後入泮且食餼焉不特此也於孝友睦姻任鄉皆知注重公事繼母何太宜人曲體承順無微不至太宜人宅心慈惠凡侍寢皆其外孫女晨盥衾綢必改遺碎金於榻令侍者拾之以為快公俟寢門於未曙時實碎金於衣袋不令羞澀甥舅之無告者或分產以耕之食衣推解外有

芝場分縣訪冊

卷四 藝文志

十八

負公債者佯責而陰免之若鎮子弟俊秀無力者或代措其脩或資之薪米罔不青衿載詠為童子師專清其一也性喜宏獎凡遇佳子弟及孝友者往往於榻人廣座之中贊不絕口道值友人子彭公武下車禮之曰聞賢昆仲文大佳好自為之彭氏有子矣其獎勵後進類如此而人之得其獎者後皆為端人正士豈非錫類之薰染所致耶他如捨藥施粥活人甚眾拾骨掩骼孤魂有依里中之集會者歲以百計然人情冷暖大都疑已設而沙散會已碎而相抽求利而得害者所在皆是公至而散者聚不足則已實之務克始終而後已

苟利公則從人捨己每輸捐則厚己薄人無怪登高一呼眾
山皆應也種種善行美不勝書而蒙以枵腹弱筆不能曲達
萬一僅就所知落落大者質實書之修飾潤色發潛闡幽長
所望於大君子如椽之史筆也

田公韓五事畧

黃華清

公氏田諱瑞玉幼而篤學庠訓詩禮嫻而習之甫成文即丁
咸同之變無意仕進擬孝親以終未幾丁內外艱雖值兵燹
喪葬盡禮不稍殺也服未闋亂愈亟飢寒交迫餓莩盈途公
慨然曰上不能盡忠報國下不能維持社會讀知我如此不

羊場分縣訪冊

卷四 藝文志

十九

如無生之詩不能無罪於先父母矣於是欲竭力以維社會
召集遠近失所農民百餘擇其強壯忠勇者五十人以軍法
部勒之更延嫻技藝者教以坐作擊刺之法約曰賊去則墾
荒至則備守至戰務以鼓金為進止願從我者則龍場仙鶴
堂有險可守有土可墾何去諸僉曰可至則分班墾守決為
數班公暇則往返督勤籌劃甫定而洞匪至公戒以全仗
任礮聲隆隆不為動聲息皆寂即密令瞄準還擊多所重傷
賊稍却眾喜曰公真神算也未幾大隊至約千餘誓滅此以
報公曰此憤兵也宜伏守以殺其勢至可戰僅以射酋為目

的猛攻數鐘賊進愈烈象將登公曰可矣彈丸雨集騎首顛
象返奔曰象驅之公曰不可彼象我寡恐伏發行不里全隊
聯圍作埽穴計會官兵至相持數月殲焉人民始有太平之
望此公之墾土救荒以堇弭亂昭昭在人耳目者洞匪既平
萑苻未靖擒匪數出人民仍卧不貼席廳公憂之詢於公公
曰古人殲渠宥協治盜良法欲治盜焉用多殺廳公然之委
以圍防事假便宜行以符治亂用重之義公不出聲色擇尤
剪除前後解辦者以數十計地方得慶安謐公相助理之效

羊場分縣訪冊

卷四 藝文志

二十

也至扶危濟困排難解紛公仔肩多年善良之得以保全者
以數百計惟薑桂之性老而愈辣剛正之氣雖至親理曲不
稍假藉即其哲嗣宗德六旬有餘白鬚盈頰語有不合輒加
答詈余某年以事過訪假館月餘見公口與客談手操竹具
凡人事所必需者莫不預備以待不時之需督課諸孫至嚴
然手卒不以口廢其勤儉家風足為閭里楷模者尤不可以
僅指計知社會之整飭悉本修齊有本之學所由施之曲當
也慈善一端修橋最著新橋之袁龍捐款橋名曰鼎成河對
門之橋合從弟與侄鳩工名曰三合悉公多助財力姑無論

尤苦心孤詣者厥為月亮一河相地之憲督公之勤逐日過
目逐層細勘石工備極精緻並縱橫上下之巨石悉刊拘連
成一片橋柱亦然工甫過半值其叔子應隆不祿訃聞請暫
歸視含殮公曰若我子也無往視禮且一視即生耶督匠事
嚴且責無旁貸為我語伯一切葬事悉屬彼勿我聞言訖督
工如前居團焦躬炊爨經年如一日嗚呼至親無如父子公
不以私情奪公義其處置豈尋常所敢望其肩背耶至義倉
原視如命貨有短缺雖戚族必請監督嚴辦間有議其苛者
今乃積乃倉日增一日視他區之以此訟累者所在而是乃
多矣

羊場分縣訪冊

卷四 藝文志

三十一

益知公之熱心慈善取火猛民畏之言以臨桑梓保全為尤
多矣

汪公達源事畧

黃華清

清光緒末余移硯西鄉之致祥村與居停汪鼎臣相處五稔
間聞談其家事甚詳且以封翁傳見委以交深不敢以不敏
辭謹按公姓汪氏諱達源字滙川祖籍安徽始祖華以安徽
府封越國公子大國明洪武初奉令南征充貴州普定衛官
勦匪有功十世祖永泰旋奉命躡匪至水城屬之阿札壘逆
家焉至十三世祖汝霖入清武庫生公兄弟五長燦源次公

次逢源廷舉廷仲又其次也兄弟怡怡太和祥洽鄉人慕之
公生而穎敏性爽直甫束髮受書即丁世變遂改入武庫一
日某甲以事忤公公怒飽以老拳某乙以甲為公怒挾往嫌
從旁侮辱之甲不能堪公曰彼落井若下石非人情譬乙代
鳴不平其不念舊惡也如此公以亂故淡于仕途日練親族
子弟以衛桑梓出擊賊每張黑幟賊黨見旗輒引去以故左
近百里絕匪踪跡會安順府畢公社堂即岱廳丞左公信田
勦匪至岩聞公忠勇躬往顧促起從軍公固辭不獲遂率鄉
兵出時苗匪竄擾普定鎮平水之間蹂躪幾遍一股已至沙

羊場分縣訪冊

卷四 藝文志

三二

家馬場人民之流離者若魚貫公乃率黑旗隊迎頭痛擊所
至披靡賊復竄入水定兩屬之交鹽路遂塞公以鹽為民所
賴遂函商何竹君分段保護岩民之不淡食公之力為多未
幾賊復竄五六枝跳花坡及鼠場一帶公奉畢公令躡迹追
勦不遺餘力由是賊憤甚偵公室居守無多人潛調比德苗
露夜襲公室時公方請假歸省匪不知也夜四鼓火箭星飛
而上民房焰烈延及內室時事起倉卒救火援親手足無措
甫負太封翁與太夫人出家屬已付焚如矣斯時焦土一片
白骨數堆公目擊心傷誓滅此虜由是埽比德賊巢尾入水

屬道值黃楊二將官告以故且願助力搜剔多所殺戮子遺
半染疫死道殣相望匪風亦稍稍熄矣亂平畢公上其事畧
旋奉欽加五品藍翎鹽提舉之命行黃冠草履十畝閑閑晚
年以武藝設教於家振起國民尚武精神及門之入武庫者
胥足備干城選年及大行以病歿于家其哲嗣翊清以安順
府文生賡續辦團有年亦以防匪接武鄰封宣統末武漢革
命起全國響應亂民思逞水屬亡命沿途搶劫無虛日道路
荆棘行李裹足會六枝布商數十被劫時官權驟失又無駐
軍翊清乃聯合鄰團自備軍糧率團丁百數十人追至兩路

羊場分縣訪冊

卷四 藝文志

二十三

口而還時論以為苟能加意於名實上之間即幸有父風云

龍燮堂

龍燮堂明讓里人道咸間以離遊蜀援例捐典史旋補南川
縣典史在任捐通判分發廣西引見歸在地方襄辦團務練
苗匪平入桂補授中山廳兼理龍州直隸廳數月均稱治理
適太平府著民應逆叛兩署府先後羈留久梗音耗桂撫調
燮堂升署撫之謂左右曰民之應逆迫於勢也激之即為賊
資宜散脅從陳利害示順逆餌以官動以利民自來矣後全
郡反正桂撫上其功奉旨授太平府數月卒於官

彭公諱鴻章字子儀江西籍自始祖入黔居明讓里大岩脚下街公貌雄壯性爽直好報不平然尚義氣幼失怙惟寡母是依性仁孝牽車服賈謀洗腆以博母歡以故學廢半途入資捐監好養馬運鹽醴時姊適本街王子朋而寡姨母字梁亦孀暇必配煤以供兩家燃料長與表弟梁春亭合資開市梁居閩闈公奔走城市一切店中出納悉聽之盈絀不之問久之梁富而公貧不計也時丁苗變團總龍伯皋組織遊擊隊四十名外禦苗匪內保三壑推公隊長公以岩民壑居安

羊場分縣訪冊

卷四 藝文志

二四

危所繫毅然任之數年無厭龍死亦始終之此公之義氣之特出者亂救世平公仍理生業娶夫人陳生長子文治續娶夫人李生子文襄李性慈惠撫文治如己子公雖境逆教二子擇師聘厚脩省中朱明經賸觴及魏寶田王友伯皆名下士先生每以苛求見辱均以耐心處之二子旋入邑庠頭角崢嶸均以文章顯夏公藕村見之曰尊翁澀於遇能勉力撫子如此彭氏有子矣文治見家窘弟歿為童子師以聽家用英姿不為貧減必周旋以博二人歡未幾鎮甯局派員設卡於岩文治集少年毀之殺司事陳漢廷幾斃亡走川滇入政

從軍有年歸省仍投違字營充哨弁節縮奉父復之滇入講
武畢業奉令入率滇軍援川以公升統帶團長公不以子貴
而驕仍守貧如故文治迎養不許為壽不許購業不許曰為
我寄語治只要竭忠不忘國治兵不擾民勝迎養做生多矣
此公之處境不以己貧而改節不以子貴而驕人尤難能可
貴者公晚年戒煙以身作則故文治在官亦嚴禁以仰體父
志公暇以史鑑自適尤喜閱彭剛直奏稿曰吾師其直也公
歸道山文治以滇軍駐川以克復瀘州故委瀘統稅局十八
月旋委鎮雄及富順縣年滿歸田家富而公逝矣公有孫六

羊場分縣訪冊

卷四 藝文志

二十五

孫女二

詩

岩脚四景分四季

黃華清

平橋春漲

舟子相望稔坐船

壽星火塔
兩峯對峙

平橋橫鎖兩山連

右吳家大壩
左田家壩

桃花紅捲波三級雁齒丹流尺五天南浦離懷春蕩漾長卿
題柱勢踰躑躅漫誇坦坦遵王道多少崎嶇觸眼簾

石洞蓮臺

一洞天然混沌開雲根擁地起蓮臺觀音面喜龍溪繞佛像
飛從鷲嶺來見說紅羊經浩劫

咸豐苗叛據洞抗命安
順府尹畢社堂焚之

儼同

羊場分縣訪冊

卷四 藝文志

二十六

白雀竟成灰而今廟貌復巍煥

畢捐銀二百兩
文夏稿村收復

人世滄桑倍

愴懷

龍溪夜月

皓月光分光印萬川項珠燭處有龍眠三篙浪漲波翻雪一鑑
光搖水接天寺枕寒流縈玉帶盤傾急瀨走金丸溪中自具
神靈物霖雨蒼生望眼穿

奎樓雪霽

天公玉戲舞龍翔奎閣隙飛野馬光青露佛頭雲皎潔鉛消
梅粉月昏黃升沉不定周行杳缺陷難填世路茫纔喜素封

堪比戶坵墟倏變滿目蒼

卽岱四景詩

巡檢張瀉遠

平橋春漲

橋與路平

平橋若康莊空洞洩春漲所重在利涉雕鏤非所尚

石洞蓮臺

石笋擁地為蓮乃天然景

石洞何年闢佛子坐蓮臺觀人復觀我法語要方開

龍溪夜月

在迎龍寺後

龍溪有老龍無心再夜月自抱項下珠照徹水晶闕

奎樓雪霽

在山曲

羊場分縣訪冊

卷四 藝文志

二十七

奎樓聳山阿開窗看雪霽安得耿先生大起吾民傲

招安歎

黃華清

跼天復躋地進憂退亦憂自為招安誤匪勢應虔劉燒殺肆
擄掠村莊稀馬牛殺人以越貨行李憚邀遊關羊擇肥噬劫
案日不休吾岩雖幸免四境障雲愁

鹽防軍駐岩幸免匪患

連寨炊烟

絕破屋悉被搜貧者避岩穴開山揮斧頭男女少別室夜卧

足抵頭中戶居近場物寄人居樓夜戶偶失閉匪電忽觸眸

擬槍捉將去狡兔窟輪收

通日樓調不令人知

家屬淹贖議當賣歸他

首減價售現權利無與低昂議值贖動與家資侷聯珠責十響示與某

官謀以膠把德得則數稍減否便視為仇讐足岩倒懸緣木

少者散四方老者填壑溝文炬雖近漢宮室已墟坵彼據司

空憤官視如竊鈎兵警力不逮縣政更於猶吁嗟乎招安民

不安以防調遣難指匪為部屬瀕行不就編搶劫案迭出吳

禍移曹瞞滋蔓因之長無賴蟻附羶羶狐假威勢沐猴虎而

冠睚眦圖報復殺人動悲觀富田連阡陌租入今大難佃稱

連排長謂隸某軍官居停偶攫怒腹使飽彈丸說說舊事發

喋聲等寒蟬縣府空起詎區保尤膽寒死者既渺渺生者猶

羊場分縣訪冊

卷四 藝文志

耽耽嗜因匪纔請兵兵至供糧糗散處駐民房兵肥民合瘦

旨蓄以禦冬甘言誘出售甕罄值不償逐圃折瓜豆拆屋代

森林東馳復西驟以物料什物代薪不足借案肆罰錢動勒

千金壽蜀以萬計出發任苛求機洩等檐溜匪聚歸洞天戰

馬口禾秀團部責供張食單連篇授宣肘區百筒乾臘期蘭

臭乾肘百隻縣購百筭油洋千金藥輻輳滿擬材集山一炬虜功

奏五縣挹精華億兆穀米豆火定災崑岡玉石不一漏定期

洞虜聞哭聲雨泣淚盈袖安派代表於軍前省令忽飛來片

紙焚應救毛光翔令安仲謂已議招安編制指日就單騎走

山來諭格安

謂已議招安編制指日就單騎走

筑垣英雄喜入扣安石恭狂獨委充艾隊長歸來轍循舊嚴

毛光翔甚喜

令雪片飛調編仍弗受要挾近防區礪至精結構恃險虎負
隅鷄雞飽鷹味受過每代人噬臍將誰咎前車幸不覆來軫
勢方逆自欲樹一幟鬼域逞陰謀結黨牽人彘勒贖械愈毆
軍實稍充裕營團願夙酬統袴思附驥賞產扶資遊尤有不
逞徒購綫火添油擇肥當贖物常為借箸籌當道弗過問行
動得自由殷實遵縣令購槍遺沒收為匪目的物駐軍尤苛
求繳槍並議罰狐兔心滋恣民氣因日索匪勢漲潮流竊鉤
或被誅竊國為公侯邊防事孔棘釜魚任渠遊願整區自治

羊場分縣訪冊

卷四 藝文志

二十九

戈矛應早修實行門戶練與子奮同仇依人誠可危恃兵終
貽憂誰呈此亂象遙寄籌一樓

驅魚行

象魚躍龍門燒尾揚鬚去努力爭上流暴總修罔替一自漲
新潮鱗族靡所事鱣鼉逞潮湖腥風鼓浪巨嬉戲長兒孫姓
畜供噉噬吞併苦魚蝦類盡艱續嗣文驅乏昌黎祭遠無秦
濟纘本為淵驅丙穴仍族聚為害甚潮陽人畜當輒籠迎合
概陽驕戕類以為贅捷徑擬終南趨附竟成市結網屬漁人
本為聚穢計五縣絕脂膏赤壁未一試鴻圖議撫安金鈎投

香餌潛淵不就羈竿頭綸空繫水族任擇肥巨人棄若置八
穴子被探蒲藻失依據世已無桃源鯨吞安所避為虺既弗
推為蛇焉可制泣告衆同胞實行區自治未雨切綢繆無恙
在有備策刀仗羣謀岩險不足恃藉作驅魚行聊資當道懼